

TOP SCHOLAR



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

Te Hiranga 2016 Te Reo Rangatira

2.00 p.m. Rāapa 23 o te Whiringa-ā-Rangi 2016

Te wā: E toru haora

Te Tāpeke: 24

Āta tirohia kia ōrite te Tau Ākonga i te Puka Whakauru ki te tau o runga ake i tēnei whārangi.

E RUA ngā wāhanga ō tēnei whakamātautau. E RUA ngā Tūmahi mō ia wāhanga.

TE WĀHANGA TUATAHI: PĀNUI-TUHITUHI

TE WĀHANGA TUARUA: WHAKARONGO-KŌRERO

Whakautua ngā pātai KATOA ki ngā wāhi wātea kua whakaritea.

Mēnā ka hiahia whārangi atu anō hei tuhituhi i ō whakautu, whakamahia ngā whārangi wātea kei muri o tēnei pukapuka.

Tirohia mehemea he tika te raupapa o ngā whārangi 2–18, mehemea hoki kāore he whārangi wātea.

ME HOATU E KOE TE PUKAPUKA NEI KI TE KAIWHAKAHAERE HEI TE MUTUNGA O TE WHAKAMĀTAUTAU.

HE KUPU WHAKATAKI

Tēnā koe kua uru mai nei ki te whakamātautau a Te Hiranga mō tēnei tau. He whakamātautau mā te tauira e ako ana i te reo Māori, ā, e mārama ana ki te whakamahi pūkenga reo torohū, pūkenga reo whakaputa hoki o ngā wāhanga katoa o te whakamātautau nei, me te kaha mai o te ākongā ki te:

- tātari, te arohaehae rānei i ngā kaupapa
- whakaputa whakaaro motuhake, whakaaro kē hoki
- whakatakoto taunakitanga
- kōtuitui i ngā mōhiotanga.

Nā reira:

- āta pānuihia ngā kōrero tohutohu i mua i te mahi
- kia kaha mai ki te whakaoti i ngā pātai katoa
- me reo Māori ngā whakautu katoa
- e rima meneti ki te āta pānui i te whakamātautau katoa.

Ko te reo kia tika, ko te reo kia rere, ko te reo kia Māori.

TE WĀHANGA TUATAHI: PĀNUI – TUHITUHI

NGĀ TOHUTOHU

- TŪMAHI TUATAHI:** HE PĀNUI (60 meneti)
Panuihia te tuhinga, kātahi whakautua ngā pātai kua whakaritea.
- TŪMAHI TUARUA:** HE TUHITUHI (60 meneti)
Whiriwhiringia tētahi kaupapa hei tuhinga roa māu, ā, kaua e iti iho i te **500 kupu**.

TŪMAHI TUATAHI: HE PĀNUI

Ngā tohutohu

Pānuhia te tuhinga nei:

‘Ko Te Ua Haumēne te kaihangā me te poropiti o te whakapono Hauhau, ko te tohu tuatahi tēnei o te waihangatanga i huri ai ki te hāhi Karaitiana Māori motuhake. I whanau ia i roto i te iwi o Taranaki i Waiaua, kei Taranaki ki te tonga, i ngā tau tīmatanga o te 1862. Nō muri tonu iho ka mate tana pāpā a Tūtawake; ko tana whaea ko Paihaka. I moe wahine anō pea a Te Ua; kotahi, nuku atu rānei, ana tama. Nō ngā tau e whā i mua tonu i tana matenga, ka noho ia hei poropiti; no taua wā nei ka whakatahangia tōna ingoa iriiri a Horopāpera. I te mutunga o te tau 1864, ka mau ia ki ana ingoa o Tūwhakararo Tūtawake; nō te tau 1864, ka mau ia ki te ingoa wairua o Haumēne.

I mau hereheretia a Te Ua rāua ko tana whaea i tētahi pakanga ki a Waikato i te tau 1826, ka haria ki Kāwhia hei rōpā. Nōna i reira, ka whakaakona ia e Waikato ki te kōrero pukapuka, me te tuhituhi ki te reo Māori, i mārama ai ia ki te Paipera. He mea iriiri a Te Waitere (John Whitely), nāna ra te mīhana Wēteriana i whakatū ki Kāwhia i te tau 1834. No te tau 1840, ka hoki a Te Ua ki Taranaki, ka mahi ia i te mīhana i Waimate i raro i ngā Wēteriana i a Karira (Charles Creed) rāua ko John Skevington. He wā, i a ia i reira, i riro nāna ngā karakia i whakahaere, me te mau tonu ki tana tiroiro i te Paipera.

‘I roto i ngā tau mai i te 1850, i tautoko pea ia i te kaupapa o te Kaingārara, he tikanga whakawātea tenei i ngā wāhi e mōhiotia ana e tapu. I piri a Te Ua ki ngā kaiārahi e whakahē ana i te hoko whenua i Taranaki; i taunūtia ia mo te hoko o te poraka o Waitara i raro i ngā ture kāre nei i eke ki tā te Māori me ana tikanga. I manaaki ia i te Kīngitanga; no te tau 1860, i whawhai ia ki te Kāwanatanga, i tū rawa hoki ia hei minita mō ngā hōia Māori.

‘I ngā tau 1861 me te 1862 he kaiārahi a Te Ua nō tētahi rūnanga i Matakaha, i reira e whakahaerengia ana ngā āhuatanga o te Kāwanatanga me te whakaū i te aukati, arā, te rohe o ngā whenua i raro i te Kīngi. I taua wā nei, e wawatatia ana, kia maranga katoa te Motu, i runga i te whakaaro kino o ngā Māori o Taranaki ki ngā mihingare. Tēra ēnei whakaaro, e waihotia hei tāhuhu mo ngā whakaakoranga tapu a Te Ua; ka mutu, ko tana tino kaupapa, kia āhei te tangata ki te wawao i ana whenua.

Nō te paenga o te tima hari mēra, o Lord Worsley i Te Namu, i te taha tonga mā uru o Taranaki, i roto i te rohe auakati, i te 1 o Hepetema 1862, ka rangirua ngā whakaaro o Te Ua, me mau rānei ko te aroha o te Karaitiana ki te tangata, me whakahinga rānei ki te ture o te Kīngitanga e whakamatea ai te tangata poka noa. Ko tōna kāinga, kāre i tino matara; ā no te 5 o Hepetema, ka kitea te rongoā mo tana rangiruatanga i tana moemoeā, i whakapuakinga mai e Kaperiera, te tino anahera, kua tae te wā ki ngā rā whakamutunga i whakamāramatia i ngā Whakakitenga a Hoani. I āta whakamārama te moemoeā ki a Te Ua, kua kowhitingia ia hei poropiti mōna, ka whakahaungia kia unuhia te utanga a te Pākehā; ka oati ia ko te whakahoki ia i te toi whenua o ‘Iharaira’ (te iwi Māori), i ‘Kanaana’ (Aotearoa). Ka rite tenei āhuatanga a te wā o te whakaoranga, e mate katoa ai te hunga hara.

Kua whakaaro ngā whanaunga o Te Ua me ngā Pākehā, kua pōrangī kē ia, ēngari kua kite ia, ko te wā i muri mai o tana moemoeā, he wā whakamātautau i tana whakapono, ka ea ai te pōwhiritanga i a ia. Nā ngā merekara, e whakaahua ana i ngā kōrero a Te Atua ki ngā tūpuna o Te Paipera a ia i whakaū i oti ai te hanga o tētahi hāhi hou, rerekē hoki, i roto i te toru

marama. Nō Oketopa, ka tuhituhia he inoi ki te Tokotoru Tapu e rite ana ki ngā inoi o te 'Ua rongo pai', kei reira ra ana whakaakoranga e takoto ana. Ka tae ki Tihema, kua tū te rākau hei pou mō ana karakia; nō te 13 o Hānuere 1863, kua tuhituhi kētia te ūpoko o te 'Ua rongo pai', e whakamāramatia ai te kaupapa me ngā whakaakoranga o te hāhi Hauhau.

Ko te kī ā Te Ua, ka eke ana whakaakoranga ki tā te mihingare Karaitiana, ēngari kua wetekina atu ō rātou nawe. Ko tōna tāhuhu, ko ngā painga o te pai mārire, ko te tika me te rangimārie, i taea e ia te whakamārama ngā āhuatanga o Te Atua, ngā mahi rānei i oti i roto i tōna wairua. Ka tapaina e Te Ua tana hāhi ko te Hauhau, nā te mea nā Te Hau, arā, nā Te Wairua o Te Atua me te hau nei tōna āhua, i kawē ngā niu (arā ngā korero), ngā poropiti rānei, ki te iwi. Mā tōna ingoa wairua tonu, mā Haumēne (Windman), hei whakaatu atu ko te poropiti te tino kaupapa o te hāhi.

E whakaponohia ana, ko ngā rārangi karakia a Te Ua e whakarite ana i te oati a Te Karaiti kia tukuna mai Te Wairua Tapu ki ana ākonga. E huri tāwhio ana te niu, me te rere o ngā reo huhua me ngā poropiti. Whai haere ai ngā karakia i te pukapuka, kei reira ngā kauwhau e mau ana i ngā rārangi kupu Pākeha kua hurihia rā ki te reo Māori, ka mutu ka wehewehengia ngā panepane. He tohu katoa ēnei kauwhau no te huhuatanga o ngā reo o Te Ua. Ko ngā kupu, ko ngā kupu Pākeha noa iho nei, ēngari, e kitea tonutia ana te whakamanamana e haere ana i roto, na ngā ingoa o tauīwi. Ka kitea i konei, te whakakotahi a Te Ua i ngā iwi e whakamau ana ki Ingarangi, e mōhiotia ana he takatakahi mana i ngā whenua o te ao.

¶ Ko te taumata a Te Ua, ko te hanga i tētahi iwi rangimārie, wehi ki te Atua; ko te wāhi nui o tana rongopai, he tohutohu i runga i ngā kupu whakarite a Te Karaiti. I hangaia e ia he ture kia kore te tangata e poka noa; e onioni i waenga parae.

I noho a Te Ua mō tētahi wā poto i Pākaraka, i te awa o Waitōtara, i te tau 1864. I mau tonu ia ki te kauwhau i tōna rongopai, ka tuhituhi reta ia ki ētahi Pākeha; ko tētahi i tuhia ki te Kaiwhakawā Takiwā mō Whanganui, ki a Hōne Waiti (John White), ka whakamaua tana ingoa ki raro, ko 'Te Ua, he Hūrae rangimārie'. I whakapā tonu ia ki ngā kaimahi a te Kāwanatanga me ngā Pākeha, ka ohore rātou i te kitenga he rata ia kia rātou. Heoi, i pōuri rātou i te mōhiotanga kei te haere mai a Matutaera, te Kīngi Māori tuarua, ki Taranaki.

¶ I tino tautoko a Matutaera i te kaupapa a Te Ua, me te aha ka whakaroangia e ia tana noho ki a Te Ua i Taranaki i te wāhanga whakamutunga o te tau 1864. No te 29 o Akuata, i Taiporohenui (ē ai ki ētahi korero), ka iriiria e Te Ua te Kīngi ka tapaina ko Tāwhiao, ko te ingoa i mau haere tonu i a ia i muri nei. Ka tukuna he kōrero ki ngā toa a te Kīngi kia whakamutua te whawhai, kia whakatikatika rātou mo te wā e puta ai ki te orange. Ko ngā moemoeā whakatohe a te hāhi Hauhau he mea whakaatu i roto i tētahi pukapuka i Tauranga; nō te 25 o Tihema 1864, ka rere katoa ngā Hauhau o Ngai Te Rangi ki te paeroa o Kaimai ki te inoi kia whakaorangia rātou i ngā mahi kikino a te iwi Māori, Pākeha rānei, e kore nei e whakapono mai ana.

Nō Tihema 1864, ka whakahaungia e Te Ua a Pātara Raukātauri rāua ko Kereopa Te Rau kia haere ki a Hirini Te Kani o Ngāti Porou i Tūranga (Gisborne). I takahia e rāua ngā tohutohu a Te Ua kia hāere i runga i te rangimārie, kātahi ka taki haere rāua ma te tuaiwiroa o Te Ika-ā-Māui me te whakawhāwhai i ngā iwi tae atu ki ngā mihingare. Kua mātua noho ke a Te Wākana (C.S. Volkner), te mihingare o te Hāhi Mihingare o Opotiki, i te taha o te Kāwanatanga i roto i ngā whawhai. Ka hoki atu a Te Wākana i Akarana (Auckland) ki

Opotiki ahakoa ngā tohutohu kia kaua e hoki, kātahi ka ākina atu e te Hauhau ka patua I te 2 o Maehe 1865.

Ka whakatakariri te hinengaro Pākehā i te rongonga kua mate a Te Wākana, ka kiia i patu tūkinotia, ka huaina i konei te korero¹ he whakapono pōrangi, kāre he aroha. Mai i taua wā nei, ka kiia, i te mea he Hauhau, he Māori e whakahē ana i te Kāwanatanga. Ka whakaae a Ngāti Porou kei te taha o te Kāwanatanga e noho ana, na te matenga o Te Wākana i tae ai te riri ki Te Tai Rāwhiti, i whawhai motumotu tonu ā tae noa ki te 1872.

¹He kite no Te Ua i te kore hua o te whawhai ki te Pākehā, ka tahuri rātou me tētahi wāhanga o Ngāti Ruanui ki te whakawhitiwhiti whakaaro ki a Te Pāriha (Robert Parris), Kia hohouhia te rongo. Heoi, i hē ngā whakawhitiwhiti korero;² i matakū te Māori kei whakaekengia rātou e ngā hōia a te Kāwanatanga, kua murua ngā whenua, koirā ka kī kia ākina atu. I mau tonu a Te Ua ki ana whakaakoranga, ki te whakanoho hoki i te mana Māori motuake i runga i ngā whenua kāore anō kia hokona; kāti, kua memeha hāere ngā moemoeā whakatohe o te hāhi. Ka kitea te tawhiti o te haeretanga mai o te hāhi i runga i te whakanui o ngā rātapu, ko te whakamaharatanga o te whakawahinga o Potatau Te Wherowhero, te Kīngi Māori tuatahi tērā; ko te Matakite a Te Ua tērā; no tenei wā kua whakaaro mo te hanga tikanga mo te ao o āpōpō. Kātahi ka hui i Pūtahi i te 24 me te 25 o Tihema 1865, ki te whakawahi i ngā kaimahi tekau mā rua me ngā poropiti hou e toru, ko Eruera Te Whiti-o-Rongomai, ko Tohu Kākahi me Taikōmako; no muri nei, ka puta katoa ēnei tāngata hei tumuaki i roto i te hāhi.

No te taenga ki te paunga o te tau 1865, i Opunake a Te Ua e noho ana, he pā tenei no te Kāwanatanga. No te tīmatanga o te tau 1866, ka maranga te ope taua a te Kāwanatanga ki te takahi i ngā iwi o Taranaki e tohe tonu ana. No te 2 o Hānuere, ka oati ia i tana pūmautanga ki te Kāwanatanga; no te 2 o Pēpuere, ka tuku i a ia ki a Meiha Tianara Trevor Chute ka mauria ki te whare herehere. I runga i te whakaaro o Te Mākarini (Donald Mclean), kātahi ka tīkina e te Kāwana, e Hōri Kerei (George Grey), ka mau hereheretia a Te Ua i Whanganui ki Akarana, kia āta kitea te hemonga o te Hauhau. I a ia i Akarana, ko ngā ture pupuri i a ia i reira,³ he tuku noa iho kia hāereere ana i te kāinga o Kerei, i te motu o Kawau. Ka whakaaetia kia hoki ki Taranaki, i Hune, kātahi ka hoki ki tana kaupapa rā, ki te whakakōrero i te iwi kia whakatahinga ā rātou pū. No taua wā nei, kua hāere te korero, e māuiui ana a Te Ua; nō Oketopa 1866, ka mate i Oeo.

Nā runga i te āhua o ngā pakanga, kāre i noho whāiti te whakapono hou a Te Ua ēngari i torotoro kē atu hei kaupapa tōrangapū;⁴ i kore ai i ea ngā moemoeā o te hāhi Hauhau. Heoi anō, hāunga ngā mahi whawhai a te Hauhau,⁵ kei te kitea nā te tū a Te Ua nāna i whakapakari te wehenga o te kaupapa Karaitiana Māori mai i nga karakia me te whakapono a te hāhi mihingare.⁶ Nā te Hauhau tātau i kite tuatahi ai i te momo⁷ hāhi ngangahau, arā, i te petekoha, i Aotearoa. Koinei te kākano i hua ai ngā poropiti i runga i ngā Paipera, ā, i whāia e ngā poropiti Māori i muri nei.

Mātāpuna: *Ngā Tāngata Taumata Rau* 1769 – 1869, wh 311–315. (Te rōanga o ēnei kōrero. He whiti, he kōwae kua tangohia i te rōanga o te korero mo *Te Ua Haumēne*).

Ngā tohutohu

Whakautua mai ngā pātai kua whakaritea.

Whakaputaina, whakawhānuitia hoki ōu ake whakaaro.

TĀ TE KAI-
AROMATAWAI
MAHI ANAKE

- (a) He aha te kaupapa e wawatahia nei e Te Ua mō tana hāhi?

E rangiwhāwhā ana ngā kūwata o Te Ua
Haumēne mō tana hāhi, heoi e mārakerake
ana te ^{Kite} te Ko te ahotū o te whakaaro kia

rangitāmīro ngā whakapono o te paipera, me ngā
whakapono o te Māori, raro i te tika, i te rangimārie.

- (e) He aha te pūtake o te tautoko a te Kīngi Māori i te kaupapa a Te Ua Haumēne?

Ki ōku nei whakaaro he rangatira whai mātauranga
a Kīngi Matutāera, e ai ki a ia "e whā ngā
taonga kei te kapu o taku ringa" e kōrero ana
mō ngā hāhi rerekē o te Ao. Ko tāna, he whakar-
mi whērā ia Te Ua. Koia te take ko Tawhiao te Kīngi o te-
maungarongoronga (i) he pēhea ki ōu whakaaro te titiro a te Kāwanatanga ki ngā mahi a Te Ua Haumēne

Ki ahau nei, kīhai i titiro te Kāwanatanga
ki ngā mahi a Te Ua, engari ki ngā mahi
(e ai ki a rātou te Pākehā) e hē ana. Kaore i
paku aro ki ō rātou ake mahi hē.

- (o) He aha ki ōu whakaaro te pūtake o te mauheretanga a Te Ua ki Ākarana?

E mea ana te tūhītūhī "kia āta kitea te nemonga
o te Hauhau." Heoi anō kei te pūrangiaho
te kurae mahara o whakaaaro he nui ake
te kaupapa o Te Ua ki Ākarana, he rangatira,
he koi, ka whakawāi hoki a Te Ua Haumēne
i tōna hāhi ahakoa ko wai, nō whea.

(u) He aha te ariā matua o tēnei tuhinga?

TĀ TE KAI-
AROMATAWAI
MAHI ANAKE

Te mutunga kē mai o ngā ariā matua
rangiwhāwhā hoki. //

Ki ahau nei ehake i te mea kotahi noa
te ariā matua; Ka matua ake nei ko
te rangitāmiro i ngā Ao e rua e whakapono
ana. Whēhērā te Kōrero "E raka te mauī, e
raka hoki te Katau." //

Ka rua ahakoa ngā karawheta, ngā wero,
ngā taumahatanga ka tau ki mua tō huarahi
mā tō whakapono, mā tō whakaū, mā tō
tōngakīngaki kia oke mō tau kūwata
ka maiangi a angitū. //

Ka toru ahakoa te taiwhanga e ripoi ake
nei koe, kāore he kore ka whai pānga
āu mahi ki tētehi, ahakoa te aha, he
huatau ira-tangata tērā. //

Ka mutu ki te whakakopari au i ngēnei
ariā matua hei tāhuhu mō te tuhinga: I mea ana

Pōtatau Kotahi anō te kōhao o te ngira e kumuna ai
te miro mā, te miro whero, te miro pango.
A muri i a au kia mau ki te ture, ki te
whakapono me te aroha. Ahakoa te aha!
Ahakoa te aha! //

TŪMAHI TUARUA: HE TUHITUHI

Ngā tohutohu

Whiriwhiria mai kia **KOTAHI** te kaupapa hei tuhinga ōkawa māu, ā, tuhia mai ōu ake whakaaro e pā ana ki taua kaupapa. Whāia ko ngā āhuatanga tuhituhi nei:

- te tika o te whakatakoto, te ūpoko, te tinana, te whakakao i ō kōrero
- te ngako, te matū o te kōrero
- te whakamōmona, te whakawhānui me te whakahāngai atu hoki i ōu ake whakaaro
- kia kaha ki te arohaehae, te whakapuaki whakaaro
- te whakauru mai i ngā whakataukī, whakatau-ā-kī i ngā kīwaha, i ngā rārangi waiata, haka rānei e hāngai ana ki tō kaupapa hei whakanikoniko i tāu tuhinga roa
- kia auaha te rautaki, kia Māori te wairua
- kaua e iti iho i te **500⁰** kupu.

Anei ngā kaupapa tuhinga

1. Ki te kore he whakakitenga ka ngaro te iwi.
2. He iwi whakaponu kore/te whakatipuranga nei.
3. Mā te werawera o tōu mata, ka kai ai koe i te taro.

Tuhia tāu tuhinga ōkawa mō te Tūmahi Tuarua ki konei.

Kaupapa: 2

TĀ TE KAI-
AROMATAWAI
MAHI ANAKE

Nau mai ki taku whare kōrero kia whakatewha-
tewha i te ahotū o te whakaaro, kia hua ake
nei te matapakihiaingā pou o roto kia tū
"tangatangā. Ko taku kaupapa kōrero:

"He iwi whakapono kore, te whakatipuranga"

Ko te tāhuhu katahi anō kia whakarākei
e whakamāori taku kaupapa kōrero

Ko te Poutāhu e wherawhera ana i tēnei
mea te whakapono. //

Ko te Poutokomarawa e whakatewhatewha
ana i tēnei whakatipuranga.

Ko te Poutuārongo he uera te pātai

"He moemoea? He whakakitenga?"

Kia whakakapi ake taku whare kēkete me
he whakatau whakaaro. //

Poutāhu:

Kia huataki ake taku kōkiri ki te kaupapa
e whai ake nei: He aha te whakapono?

E rangiwhāwhā ana ngā whakamahuki
mo te kupu nei, ahakoa he iti anā noa
atu ngā huarahi e tāea ana te whakamārama.

Tuatahi ake ko te whakapono he tūāhuatanga,
he pou matāho ki te ngākau o te tangata
e ngana ana ki te para i te huarahi e ai
ki a ia e tika ana. //

Hei tauira, ka tahuri ake māua ki //

kōrero o Te Ua Haumēne. He poropiti,
he tohunga, he kai rapua mo te mea ngaro
nei e kī ana ko te maungarongo, ko
te rangimārie. Nā tōna whakapono
ki tēnei i whai pānga atu ki te motu.

Hei āpiti kōrero ki tērā ka hoki ki te waiata
o Uenuku Te Pou "Ko te Atua tō tātou piringa
tō tātou kaha, he kaiawhina e tino tata
ana i ngā wā o te hē." //

Poutokomanawa:

Kaua te tau e pōkea. Kaua te tau e rēwanatia
Ka tini te tau, Ka rerekē te tau. Ko te
tau ā mohoa nei he tau hangarau, e kare
mā nau mai, tauti mai, ki te Ho hou.

Nā ngā whakawai o ngā taonga o te Pākehā
e whakawairangi ai ngai Māori. //

Nō mai ngā pakanga, ngā muru whenua, ngā
ture hou kua riro mā te moni te atua.

Kua whakarēvea te Māori i ngā tikanga, i
ngā whakapono Māori mo te tāniwha e kī
ana he hirirua tōna arero he koura tōna niho
ko tana kai he whenua. //

Me ahu pēwha te Māori kia whakacū
i ngā whakapono ā mohoa nei? Pokokohua
mātaaitai! //

Poutūārongo:

Kia tahuri ake i te kaupapa; "He moemoēa, he whakakitenga te whakapono?"

Mā te awai niwa o ōku huatau e whakarākei tēnei pou. Kua tātau e pōhēhē ko te whakapono he taua here ki te Atua.

E kaa! He taua here ki te tangata me tōna ngākau anō noki. Ko te whakapono he whainga kia whakaū tātou tēnei "Iwi whakapono kore" ki ō mātou uaratanga kia puta ki tua o Taiātea; ki tua o te awe māpara.

I mea ana a Te Paea Herangi:

"Ki te moemoēa au ko au anake, ki te moemoēa tātou ka tāea!"

I mea ana hoki a Tāwhiao:

"Ki te kore he whakakitenga ka mate te iwi" He aha, nā te aha rānei me kore e whakaemi i te ngā whakaaro e rua? Hei kūwata mō whakaaro nui, mō te ngākau tapa rua. Anei kē ngā whakapono.

Hei whakakapi ake māku, e kaha whakahē ana au ko te iwi whakapono kore te whakapūrangā. Mā mātou ō mātou whakapono e whakapono atu. Me penei pea te whakatauiria: "Māku anō tōku ake nei whare e hanga ko ngā pou o roto he whainga, he moemoēa, ko te tāhuhu he arana!" Nei te whakarakeitanga o taku whare kēkete e hī ake nei.

TE WĀHANGA TUARUA: WHAKARONGO – KŌRERO

E RUA ngā tūmahi mō tēnei wāhanga:

TŪMAHI TUATORU: HE WHAKARONGO:

He whakarongo ki tētahi tautohetohe, me te tuhi hoki i ngā whakaaro matua, i ngā kīwaha me ngā whakataukī, whakatauākī, whakatau-ā-kī rānei hei āwhina i a koe i roto i te Tūmahi Tuawhā.

TŪMAHI TUAWHĀ: HE KŌRERO:

- (a) He whakaputa kōrero whakarāpopoto i te tautohetohe.
- (e) He whakaputa kōrero e whakaae ana, e whakahē ana rānei i te kaupapa o te tautohetohe.
- (i) He whakamahi i tētahi kīwaha me ngā whakataukī, whakatau-ā-kī rānei e RUA.

TŪMAHI TUATORU: HE WHAKARONGO – *Te tama whai rawa.*

He tautohetohe te āhua o tēnei mahi whakarongo.

Ngā tohutohu

1. Whakarongo ki te tautohetohe.
2. I a koe e whakarongo ana, whakarārangihia ngā kaupapa matua ki roto i te māhere whakaaro kua whakaritea.
3. Āta whakarongo ki ngā kīwaha kei roto i te tautohetohe nei, ā, tīkina kia rua ngā kīwaha e mārama ana ki a koe.
4. Āta whakarongo hoki ki ngā whakataukī, whakatau-ā-kī, ā, tīkina kia RUA e mārama ana ki a koe.
5. E TORU ngā whakapāohotanga o te tautohetohe, ā, kia mutu te whakapāohotanga ka wātea mai te 15 meneti hei whakarite i āu kōrero whakaputa.
6. **Mutu ana i te whakarite kōrero, hoatu tāu pukapuka whakamātautau me ngā pepa whakarite tuhinga ki te kaiwhakamātautau.**

Nā reira kia areare mai ō taringa, anei te kōrero.

Mere = Kuia

Apirahana: Matua
Māhere whakaaro

Ihimaera = Matamua

TĀ TE KAI-
AROMATAWAI
MAHI ANAKETaha whakaare

Apirahana

- Me whai whakaaro, kāri te tou tirairaka
- Me whakaaro nui te matamua ki tana teina
- Ehara mā o tau
- Kia whakanuia te tangata e mārama i ōna hē
- He tangata aroha kore
- Ko wai ngā tangata e whai hōia mati ō mahi Kuia:
- Kia matapakī i te hē mai te paipera
- Me nui ō ringa raupe i tō manawanui
- ahakoa tama, pepi ka amuamu //

Taha whakahē

- Te heahea hoki o ngā matua ki te mōumōu moni
- Ko au te matamua maku te moni e mōumōu engari ki te whēra au te kai a te ahi.
- Ko au te mea e ihu one one. Kaare e whai whakaaro mo tērā nunga
- Anei au whaka pou aku kaha
- Kaore e whai whakaaro mō ngā nāpaio muri. //

Ngā kiwaha

- Kia koia
- Engari mō tēnā
- Kai toa
- Pokokohu
- Kōrua, kōrua
- haere ake nei x2 //

Ngā whakataukī/whakatau-ā-kī

- Werauera ka kai te taro mā te
- Waiho mā te whakamā e paty //

Māherehere whakaaro: Tūmahi Tuarua //

1. Ki te kore he whakakitenga ka ngaro te iwi:

- He aha te whakakitenga: Poutāhū

- He poutokomanawa tei te ngākau o te tangata e ngana ki te para i te huarahi tika mōna.

- He ^{whainga} ~~mae~~ kia whakaū te iwi kia puta ki Taiātea

- He whainga kia akiaki te iwi //

Tāhuhu



2 He iwi whakapono kore; te whakatipuranga

Poutāhū: He aha te whakapono

Poutokomanawa: He aha tēnei whakatipuranga

Poutāhū: He maeaea, he whakakiteranga? //

Mā te kaiwhakahaere koe e hari ki tētahi atu rūma, hei whakamau i ō kōrero kāre e āhei te hari pepa ki roto i tēnei rūma.

Tukuna tō reo kia rere, tō reo kia tika, tō reo kia Māori.

TŪMAHI TUAWHĀ: HE KŌRERO

Ngā tohutohu

- (a) Ko tāu mahi he whakarite kōrero whakaputa, e whakarāpopoto ana i te tautohetohe.
- (e) Whakapuakina ōu ake whakaaro e whakahē ana / e whakaae ana rānei i te kaupapa o te tautohetohe nei.
- (i) Whakamāramahia mai te tikanga o ngā kiwaha e RUA i rangona i te tautohetohe.
- (o) Whakamāramahia mai te tikanga o ngā whakataukī, whakatau-ā-kī e RUA, i rangona i te tautohetohe.
- (u) Kaua e roa ake i te RIMA meneti mō tāu kōrero whakaputa. Ki te eke ki tenei wā ka aukatihia koe e te kaiwhakahaere tēnei whakamātautau.

Nā reira, kia kaha mai te:

- whakapuaki whakaaro whānui
- whakaraupapa tika i ō whakaaro
- whakaniko mā te kiwaha, whakataukī, rangahau
- whakatakoto tika, ōtira whakahua tika i ō kupu.

Te whakamau i tāu kōrero whakaputa

- (a) Ka heria koe e te kaiwhakahaere o te whakamātautau ki te rūma whakamau reo.
- (e) Kia RIMA meneti te roa mō ngā whakaritenga e pā ana ki te mīhini hopu reo.
- (i) Mutu ana tō whakamau i āu kōrero ki te mīhini hopu kōrero, me waitohu e koe te kopae hei whakaatu nōu te reo kei runga.
- (o) Kua oti ngā mahi katoa.
- (u) He whakaputa kōrero whakarāpopoto mō te tautohetohe. Kia maumahara, kei a koe te 15 meneti noa iho ki te whakarite.

WTKTK: Uea te pātai: Te Tama whai rawa
 "Mēi te ringa raupā e vīro te moni, mōumou a!"
 He tautohē ki waenga i ētahi tokotoru //

Whakaae ngā mōrarō e 3:

- He tangata aroha kore kaore e whai whakaae //

~~Alakoa he tamariki he kararehe ka amuamu~~
 taurite te

- Me nui ō ringa raupā i tō manawaru
 ki tētahi atu //

Whakahē ngā mōrarō e 3:

- Ko Ihimaera te matāmua māna te
 moni //

- Ka whakapou ia i tōna kaha, mea rawa
 ake kaore he paku ahu māna //

~ Kiwaha

- Engari mō tēna

- Pokokohu


- kanga //

Whakatauki

- Mā te

werawera e kai
 te taro

- Mā te whakamā
 e patu //



93009

